

ՈՐՈՏՆԱԲԵՐԴ-ՈՐՈՏՆԱՎԱՆՔ ՊԱՇՏՊԱՆԱԿԱՆ ՀԱՄԱԿԱՐԳԸ

ԱՐԱ ԶԱՐՅԱՆ

Սյունիքի պաշտպանական համակարգերի թվում կարևոր և հետաքրքրական տեղ են զբաղեցնում բերդ-դղյակ ու վանք-ամրոց երկկենտրոն պաշտպանական համակարգերը: Միջնադարյան Հայաստանում շատ վանքեր հաստատվել են խոշոր բերդերի պաշտպանական տեսադաշտերում և կառուցվել այն նույն սկզբունքներին համապատասխան, որոնցով կառուցվում և տեղադրվում էին բերդերն ու ամրոցները: Պաշտպանական և պաշտամունքային կառույցների զուգակցումը հետագայում լայն տարածում է գտնում Սյունիքում¹:

Երկկենտրոն պաշտպանական համակարգերը բաղկացած են գլխավոր տարրից՝ բերդից և հրկրորդական տարրից՝ վանքից: Յուրաքանչյուր տարր մի ինքնուրույն, կազմավորված միավոր է, սակայն ռազմաստրատեգիական նկատառումներով հանդես է գալիս որպես միասնական, երկկենտրոն համակարգի մաս: Ի տարբերություն երկկենտրոն պաշտպանական համակարգերի, միակենտրոն համակարգերն ունեն մեկ գլխավոր ռազմականացված կենտրոն, որի շուրջ տարածված են պաշտպանական տարբեր նշանակություն ունեցող միավորները որպես լրացուցիչ, ամբողջականացնող տարրեր: Այս համակարգերում գլխավոր կենտրոններն իրենց տեղադրության սկզբունքներով, նշանակությամբ ու զբաղված դիրքով տարբերվում են այդ համակարգի մաս կազմող մյուս պաշտպանական միավորներից: Սյունիքում այս տիպի պաշտպանական համակարգերի լավագույն օրինակներից են Ցամաքաբերդի և Բազաբերդի միակենտրոն համակարգերը: Առաջինը ընդգրկում էր Սյունիքի Գեղարքունի գավառի, Սևանի ավազանի ընդարձակ շրջանը: Այս տարածքը հայտնի է իր կիկլոպյան ամրոցներով, որոնք հնագիտական տարբեր շերտեր ունեն (ընդ որում, ամրոցների մի մասը գործել է նաև միջնադարում): Համակարգի գլխավոր կենտրոնը Ցամաքաբերդն էր, իսկ Բերդկունք, Վերին Կզնուտ, Ալբերդ, Արծվանիստ և այլ բերդերը՝ Սևանա լճի ափամերձ շրջանի միավորները: Բազաբերդի համակարգը գտնվում էր Զորք և Բաղք գավառներում և կոչված էր պաշտպանելու Սյունիքի մայրաքաղաք Կապանը: Այն կազմված էր տարբեր ուղղություններով դեպի Կապան մտնող ճանապարհների երկայնքով տեղադրված պաշտպանական հենակետերից: Գլխավոր կենտրոնը Բաղաբերդն էր, իսկ Շիրուտ, Զեվու, Գեղի, Կկոց քար, Աշաղվա, Գանձաբերդ և այլ բերդեր՝ նրա մասը կազմող տարրերը: Այս երկու պաշտպանական համակարգերը կազմել են Սյունիքի ռազմաստրատեգիական ընդարձակ ծրագրի բաղկացուցիչ մասը և այլ համակարգերի հետ մեկտեղ անառիկ են դարձրել նահանգի վարչատնտեսական այս կամ այն կարևոր կենտրոններն ու սահմանային շրջանները:

Առանձին հետաքրքրություն ունեն Սյունիքում կառուցված մի շարք երկկենտրոն պաշտպանական համակարգեր՝ Որոտնաբերդ-Որոտնավանք (Եղեգիս), Բաղաբերդ-Վահանավանք (Կապան)², Երնշակ-սբ. Գևորգի վանք (Երնշակ), Պռոշաբերդ-Սպիտակավոր (Բուրաբերդ)³: Որոտնաբերդ-Որոտնավանք համակարգը (նկ. 1) նպատակ է ունեցել պաշտպանելու այնպիսի վարչատնտեսական կարևոր կենտրոն, ինչպիսին էր Շաղատ գյուղաքաղաքը⁴, Շաղատը գրտնրվում էր Սյունիքի Մղուկ գավառի կենտրոնում և, ըստ Ստ. Օրբելյանի, մինչև IX դ. սկիզբը եղել է ժխանանիստան⁵ բերդագյուղը⁶: Մինչ օրս պահպանվում են ավանը շրջապատող բեր-

¹ Ստ. Մ ն ա ց ա կ ա ն յ ա ն, Հայկական ճարտարապետության Սյունիքի դպրոցը, Երևան, 1960, էջ 200, Մ. Մ. Հ ա ս ր ա թ յ ա ն, Սյունիքի 17—18-րդ դարերի ճարտարապետական համալիրները, Երևան, 1973, էջ 118:

² IX—X դդ., երբ Բաղաք (Կապանի) թագավորության մայրաքաղաքը եղել է Կապանը, Բաղաբերդը մաս է կազմել միակենտրոն պաշտպանական համակարգի:


³ Փակագծերում նշված են պաշտպանական համակարգերի մոտ գտնվող բնակավայրերը:

⁴ Ստ. Օրբելյան, Պատմության նահանգին Սիսական, հ. Ա, Թիֆլիս, 1910, էջ 75:

⁵ Նույն տեղում, էջ 82:

⁶ Նույն տեղում, էջ 202, Մ ո վ ս ե ս Կ ա զ ա ն կ ա տ վ ա ց ի, Պատմություն Աղվանից աշխարհի, Երևան, 1983, էջ 326:

ղապարիսպների մնացորդները: Շաղատի մոտով էին անցնում առևտրական երկու ճանապարհ. մեկը գնում էր դեպի Վայոց ձոր և Այրարատ, իսկ մյուսը՝ Նախիջևան և Վասպուրական: IV դ. սկզբից մինչև IX դ. սկիզբը Շաղատը եղել է եպիսկոպոսանիստ: Ըստ Ստ. Զորեյանի, Շաղատում է գտնվել սբ. Ստեփանոս Նախավկայի եկեղեցին, որը եղել է Սյունյաց աշխարհի մայր եկեղեցին: Պատմիչը տալիս է եկեղեցու մանրամասն նկարագրությունը, որի համաձայն այն Հայաստանի հնադուր գմբեթավոր կառույցներից մեկն է⁷: Այսպիսով ականջալսելով և դառնում հո-



Նկ. 1. Որոտնաբերդ. ամրոցի ընդհանուր տեսքը հարավ-արևմուտքից:

գետը և վարչական կարևոր կենտրոնի պաշտպանության անհրաժեշտությունը: Հետագայում այն շատ հստակ մշակված իրազեկված պաշտպանական լայնատարած համակարգում: Շաղատ մայրաքաղաքի պաշտպանական համակարգը կազմավորվել է դեռևս սասանյանների ջրջանում (226 թ. մ. թ.—652 թ. մ. թ.): Այն բաղկացած էր մի շարք բերդերից կազմված սլաքածե աղեղից, որն իր մեջ էր առնում Շաղատը և հզոր պատնեշ ստեղծում սասանյան տիրակալների նարձակումների դեմ: Պաշտպանական այս համակարգը բաղկացած էր Որոտնաբերդ, Բաղաբերդ, Կաթավաբերդ (Արևիք գավառ), Երնջակ ու Ճահուկ կենտրոնական բերդերից և, հետագայում կառուցված, նույն աղեղը եղրափակող մեկ տասնյակի հասնող տարբեր նշանակություն ունեցող այլ բերդերից⁸ (դժ. 1): Ս. Երեմյանի կազմած քարտեզների համաձայն⁹ այս համակարգի կենտրոնական բերդերը կառուցվել են հետևյալ ժամանակահատվածներում. Բաղաբերդ՝ 298—385 թթ., Երնջակ՝ 450—509 թթ.: Բերդերի այս հզոր պատնեշը եզրափակում էր Սյունիքի հարավ-արևմտյան ամրոցը սահմանը, որը հարակից էր Վասպուրականին և Այրարատին: Ձևայն այս բերդերը հիմնադրվել են հնագույն ժամանակներում որպես ռեզիդենալ ռազմական հենակետեր, սակայն Սյունիքի թագավորության ջրջանում (987—1170 թթ.) դրանք ստանում են նոր իմաստ և այլ բերդերի հետ կազմում երկրի պաշտպանական ընդարձակ համակարգի մի շղակը:

Երկկենտրոն պաշտպանական համակարգերի վանքային համալիրների մեջ առավել հետաքրքրականը Որոտնավանքն է: Այն գտնվում էր Սյունիքի Ծղուկք գավառի հարավ-արևելյան մասում՝ Վաղաաին (այժմ՝ Վաղուդի) գյուղից հարավ-արևելք: Որոտնավանքը կառուցվել է ամրոցաշինական սկզբունքներով: Հետաքրքրական է տեղանքի ընտրությունը, եկեղեցական բոլորշինքների դիրքորոշումը և վանքապատկան տարածքի պարսպապատումը՝ նախապես մտածված և

⁷ «Հայկական սովետական հանրագիտարան», հ. 8, Երևան, 1982, էջ 651:

⁸ Սուրմալիկ, Նահաջիր, Յղնա (Նախնական գավառ), Շահապոնք (Ջահուկ գավառ), Շաղ-Այերտ, Քյուք, Գաղ (Երնջակ գավառ), Խոտուք, Աղխիտու, Սյունի, Դաստակերտ (Ծղուկք գավառ):

⁹ «Հայ. ժողովրդի պատմություն», հ. 2, Երևան, 1984, քարտեզներ:

շատ հմտորեն իրականացված: Համալիրը տեղադրված է Որոտնա գետի զառիվայր կիրճերով շրջապատված բնական սարահորի վրա, որը նեղ լեզվակով միանում է լեռնալանջին¹⁰: Լեզվակ կազմող հատվածում տեղադրված են վանքային հասարկի աշխարհիկ կառույցները: Համալիրը ձգվում է արեւելից արեւմուտք և աշխարհիկ կառույցների հետ կազմում ենթին բակ, որտեղ գե-




Գծ. 1. Շաղատ մայրաքաղաքի պաշտպանական համակարգը:

րեզմանոցն է: Վանքը հյուսիսից պաշտպանված է փոքր բլրակի միջոցով, հարավից անգնդախոր կիրճն է, իսկ արեւմուտքում և արեւելքում անտառապատ, զառիվայր լանջերն են: Համալիրի բոլոր

¹⁰ Որոտնավանքի տեղագրության մասին կա հետևյալ նկարագրությունը. «Որոտնա վանքը տեղավորված է մի բարձրագիր բլրակի վրա, որի հարավային կողմի ձորի միջով արագ գնում է համանուն գետը, որ մի քիչ առաջ Ուզ գյուղի մոտերքում Բաղարշայ անուն էր կրում (տե՛ս Մ. Փ ա փ ա զ յ ա ն, շնութինք վաղօրեից, Վաղարշապատ, 1889—1890, էջ 317—318):»

շենքերը, կարծես, ընդգրկվել են պաշտպանական համակարգի մեջ, քանի որ կազմում են հյուսիսային պարսպապատի շարունակությունը: Հենց սրանով է բացատրվում այն հանգամանքը, որ ձկնղեցական բոլոր շինությունները հյուսիսային կողմից շունեն բացվածքներ (գծ. 2): Այս կողմում է տեղադրված համալիրի միակ մուտքը [գծ. 2 (12)]:



Գծ. 2. Որոտնավանք. համալիրի ընդհանուր հատակագիծը. 1. Գրիգոր Լուսավորչի եկեղեցին, 2. սր. Ստեփանոս Նախավկայի եկեղեցին (Շահանդուխտի եկեղեցին), 3. զավիթը, 4. հյուսիսային սյունասրահը, 5. սր. Կարապետ եկեղեցին, 6. արևելյան սյունասրահը, 7. հուշայուժը, 8. համբարանոցը, գործատունը, 9. կոմունալ շինություններ, 10. պարսպապատ, 11. գերեզմանոցը, 12. գլխավոր մուտքը:

Մինչև վանքային համալիրի հիմնադրումը (1000 թ.), այստեղ, թերևս IV դարից սկսած, գործել է Գրիգոր Լուսավորչի եկեղեցին¹¹ [գծ. 2 (1)]: Ըստ Ստ. Օրբելյանի տեղեկությունների, Որոտնավանքը հիմնադրել է Սմբատ զահերեց իշխանի կինը՝ Շահանդուխտ Թագուհին, որը ամուսնու մահից հետո, 1000 թ. Սմբատի կտակի համաձայն կառուցում է սր. Ստեփանոսի Նախա-

¹¹ Ստ. Օրբելյան, նշվ. աշխ., էջ 301:

վկայի եկեղեցի¹² [զծ. 2 (2)]։ եկեղեցին կառուցելուց հետո Շահանգուխտ թագուհին ձեռնա-
մուխ է լինում կառուցելու «...և տուն աղօթից կրաշաղախ վիմօք և ի դրան եկեղեցույն, և համ-
րարանոցս և զործատունս և շուրջ պարսպէ զվանք»¹³ [զծ. 2 (3, 8, 10)]։ Այնուհետև Շահան-
դուխտի մահից հետո նրա որդի Սևադան սկսում է համալիրի շինարարական III փուլը՝ 1006 թ.
կառուցելով սր. Կարապետ եկեղեցին և նրա արևմտյան կողմի սյունաքարահարկ¹⁴ [զծ. 2 (5, 6)]։
Պատմական այս տեղեկությունները հետաքրքրական են այնքանով, որ Շահանգուխտ թագուհին
վանքային հաստատություն հիմնելու համար ընտրում է հնուց գոյություն ունեցող սրբավայրը,
որը միաժամանակ, տեղանքի առանձնահատկություններից ելնելով, հնարավորություն էր տալիս
անառիկ դարձնել վանքը, պարսպապատելով այն հիմնականում միայն արևելքից և արևմուտքից։
Որոտնավանքից 3 կմ հարավ-արևելք Որոտնաբերդն է։ Բերդի հարավային մասում, Որոտան գետի
վրա, 1856 թ. կառուցվել է Մելիք Թանգու կամուրջը։ Որոտն բերդը (Որոտնաբերդ, Որոտան)
հայտնի է եղել դեռևս IV դ. որպես Հայաստանի նշանավոր և անառիկ ամրոցներից մեկը։ Ստ.
Օրբելյանը Սյունյաց թագավորության տարածքում նշում է 43 բերդ, որոնցից առանձնացնում է
12 առավել նշանավորները՝ Որոտն (Մուղկա գավառում), Բղեն և Կկոց քար (Բաղքում), Բա-
զարկղ, Բաղակու քար, Գեղի, Շիրուտն և Կապան (Ձորքում), Գրհամ (Կոլսականում), Կաթ-
վարբերդ, Կարճևան և Մեղրի (Արևիքում)¹⁵։ Բերդի մասին առաջին պատմական տեղեկություն-
ները վերաբերում են V դարին. «Յայնմ ժամանակի դարձեալ յարձակեցան ի վերայ բերդից եւ
աւանաց, դոր ունէին Պարսիքն ի տեղիս. յամրոցս աշխարհին, տապալէին զընակութիւնս նոցա...
եւ առնուին զանմատոյց ամուրսն՝ զԴառնի քաղաքն, զԱնին, զԱրտազնսն, զԿապուտն, զՈ-
րոտն...»¹⁶։ Այս դեպքերը տեղի են ունենում 451 թ.։ Ստ. Օրբելյանը տեղեկացնում է, որ 1075—
1092 թթ. Որոտն բերդն ու շրջակա ավանները գտնվել են Սենեքերիմ Ա-ի իշխանության տակ։
Մինչև 1104 թ. բերդն ու Ուռուտ գյուղը (այժմ՝ Որոտան) գտնվել են սելջուկյան թուրքերի տի-
րապետության տակ¹⁷։ 1103 թ. թուրքերը Չորթմանի դիսավորությանը ներխուժում են Բաղաշ
խաղավորություն¹⁸ ու ավերում երկիրը։ 1104—1105 թթ. նրանք զբաղվում են թագավորության եր-
կու խոշոր բերդերը՝ Որոտնը և Բղենը, «...Դարձեալ յետ մի ամի, ի 553 (1104 թ.) թուականին
առաւ Որոտն»¹⁹։ Զաքարե և Իվանե եղբայրները 1211—1219 թթ. Որոտն բերդն ու մերձակա ա-
րածքները ազատագրում են թուրքական լծից. «...Առին ի 660 թուին (1211 թ.—Ա. Զ.) զՍիւնիս,
զՈրոտն, զԲղեն, զԲարկուշատ»²⁰։ 1219 թ. Աթաբեկ Իվանեն Լիպարիա Օրբելյանի առաջնորդու-
թյամբ զբաղվում է Որոտն բերդը²¹, որից հետո թաթարների Բալուխանի հետ վարած բանակ-
ցությունների ջնորհիվ բերդն ու հարակից ավաններն ընկնում են Լիպարիտի տիրապետության
տակ։ Բերդն Օրբելյանների տիրապետության տակ մնում է մինչև XV դ.։ Սյունյաց Օրբելյանների
տիրապետությունը ուժեղանում է հատկապես 1250-ական թվականներին, երբ իշխանությունն
անցնում է Սմբատին։ Վերջինս, գնալով Մանգուխանի մոտ, կարողանում է ստանալ ինքնուրույն
թույլտվություն իշխանություն։ Սմբատը, Սյունիք վերադառնալով, Բալուխի ռազմական օգնություն է
ստանում և զբաղվում Որոտն բերդը։ Հետագայում Սմբատն այնքան է ուժեղանում, որ արքա-
յական տիտղոս և ինքնավարություն է ձեռք բերում²²։ 1386 թ. բերդը զբաղվում են թուրքերը. «Ի
Պլն (1386 թ.) ամին թուրքն էաւ զբերդն Որոտնայ եւ մեծ վարդապետն Կախին Որոտնեցի գնաց

12 Նույն տեղում, էջ 302։ Ըստ Բ. Հ. Հարությունյանի, սր. Ստեփանոս Նախավկայի եկեղե-
ցու կառուցումը սկսել է Սմբատ թագավորը, իսկ նրա կինը՝ Շահանգուխտը, այն ավարտել է
1000 թ. (տե՛ս «Հայ ժողովրդի պատմություն», հ. 3, Երևան, 1976, էջ 123)։

13 Ստ. Օրբելյան, նշվ. աշխ., էջ 302։

14 Նույն տեղում։

15 Նույն տեղում, էջ 334—335։

16 Եղիշ է. Պատմութիւն Վարդանանց, Վենետիկ, 1950, էջ 131։ Տե՛ս նաև «Մեծ ին վա-
րդանայ Բարձրաբերդեցւոյ պատմութիւն տիեզերական», ի լոյս ընծայեաց Մկրտիչ
էմին, Մոսկվա, 1861, էջ 185, «Հաւաքումն պատմութեան Վարդանայ վարդապետի»,
Վենետիկ, 1862, էջ 140—141, Եղիշ է. Վարդանա Պատմությունը, Երևան, 1946, էջ 150։

17 Հ. Միքայել է. Հովհաննէսեան, Հայաստանի բերդերը, Վենետիկ, 1970, էջ 408։

18 Սյունիքի թագավորությունը կոչվել է նաև Բաղաշ կամ Կապանի թագավորություն։

19 Մ. Զամչեան, Պատմութիւն Հայոց, հ. Գ, Վենետիկ, 1786, էջ 246։

20 Ստ. Օրբելյան, նշվ. աշխ., էջ 333—335։

21 Նույն տեղում, էջ 397։

22 «Հայ ժողովրդի պատմություն», հ. 3, էջ 623։

փախստական ի ծարայ»²³։ Այս դեպքերին ակնհայտ է շոգան Որոտնեցին հետագայում գրում է. «...մեղքն իմ ծովացեալ հհան զգունդս անէրինաց ի վերայ քրիստոնէից, մանաւանդ ի վերայ տանն Բուրգելի, որ եկին եւ առին զբերդն Որոտան եւ հայրենազուրկ արարին զՊարոն Սմբատն, որդի նանկին»²⁴։ Այս մասին է պատմում նաեւ Հակոբ գրիչը 1586 թ. գրած հիշատակարան-նեքում²⁵, 1407 թ. Սմբատ իշխանից բերող խել է Կարկ-Յուսուֆ թեմուրյան բռնակալը, XIII դ. Որոտն բերդը գտնվում էր Դավիթ անունով իշխանի տիրապետության տակ, որը հալածում էր հայերին։ Գուգարքի իշխան Հովհաննեսը զորքով հարձակվում է Որոտն բերդի վրա, նպատակ ունենալով գերել Դավթին, սակայն, վերջինս նախօրոք տեղեկանալով, կարողանում է դիմագրել 1724 թ. արդեն Ղափան հասած Դավիթ Բեկը պաշարում է Որոտն բերդը։ Բերդի պաշարումը հեշտացնում է հորդառատ անձրևներից փուլ եկած պարսպապատի բացվածքը, որտեղից և ներխուժում են Դավիթ Բեկի զորքերս ու թուրքերի հետ սրամարտում հաղթանակի հասնում²⁶։

Որոտնաբերդը հանգամանորեն նկարագրել է Մ. Փափազյանը, և քանի որ նրա այցելության ժամանակ բերդն ավելի լավ էր պահպանված, ուստի բերում ենք այդ նկարագրությունից մի հատված. «Սույն կամուրջի (Մելիք Թանգի—Ա. Զ.) և գետի ափից սկսած մի քարածայռ է բարձրանում, որը ոչ այլ ինչ է, եթե ոչ մի անմատչելի բերդ, որ տեղավորված է ուղտանման մի սարի վերայ։ Այս բերդին ոմանք Որոտնա բերդ են անվանում և ծերունիներից շատերը ավանդությամբ պատմում են, որ վերջին ժամանակի պատմական Դավիթ Բեկը շատ անգամ այս տեղ է ապաստանել յուր զինակիցներով, ...Բերդը իր երեք—արկ. հյուսիս. և արևմտյան (պետք է լինի՝ հարավային—Ա. Զ.) կողմերից քարածայռոտ լինելով անմատչելի է եղած. բերդը կարելի է մտնել միայն հարավային (արևմտյան—Ա. Զ.) կողմից, որ դեռի եզերքից սկսած մի ճանապարհ է ունեցել վաղ ժամանակ, սույն ճանապարհով մի վերոտաշափ²⁷ բարձրանալիս, ուղևորը տեսնում է բազմաթիվ փլատակ և ավեր սննդակների ու շինությունների հետքեր, որոնք միմյանց կից լինելով՝ բերդի այլ կողմն էլ տեսանելի են պարսկական թշնամույց։ Վերադառնալով փլատակ շինությունները հաստատված են հարդ ապարակ տեղով վրա, արևելյան կողմը միջնաբերդն է հաստատված, շուրջը յուր բնական դիրքի հարմարությունից բոլորովին անմատչելի է դարձել, և ունի ավելի քան 20 սաժեն²⁸ բարձրություն նույն տափարակ տեղից։

Ինչպես ասացինք, այս միջնաբերդն էլ ամբողջովին քարածայռ է, և եթե մասնավոր բաց տեղեր կան, սորանք էլ ամուր պարսպապատված են, թողնելով միայն մի փոքրիկ նեղ անցք միջնաբերդը բարձրանալու»²⁹։

Որոտն բերդը տեղադրված է լորածորի գետաբերանի և Վաղուդի գյուղի միջև գտնվող հրակայական ժայռաշղթայի վրա։ Դա համեմատ, բնական ժայռապարիսպները բերդի երեք կողմերից իջնում են դեպի Որոտանի կիրճը։ Բերդի տարածքը կազմող հարթակը հավասարաբուն եռանկյան տեսք ունի, որի հյուսիսային անկյունում վեր է բարձրանում մի խոշոր ժայռաշղթայի վրա, հարավում, մոտ 50 մ բարձրություն վրա միջնաբերդն է, իսկ հարթակի մյուս կողմերը զառիվայր են, բացի արևմտյան հատվածից (գծ. 3)։ Այս մասի ստորոտը գտնվում է ժայռերից և, կոբազով իջնելով, կազմում է մի նեղ, երկար պարանոց, որը միանում է կիրճի հակառակ կողմում առաջացած բնական սարահարթին։ Բերդի ընդհանուր տարածքի այս հատվածը, ուր մինչ օրս նկատվում են շինությունների ու պարսպապատների հետքեր, շատ ավելի մեծ է, քան բերդի բուն եռանկյունի հարթակը։ Պարանոցի հատվածում ևս նկատվում են ավերակ շինությունների հետքեր և երկարությամբ ձգվող ուղղադիagonal պարսպապատի ստորին հատվածի մնացորդներ։ Ըստ երևույթի, բերդի հերթական վերակառուցման ժամանակ երկու բարձունքները կապող նեղ պարանոցը փակելու անհրաժեշտություն է առաջացել, և լրացուցիչ պատնեշ է ստեղծվել ոչ միայն բերդին մոտենալու միակ ճանապարհին, այլև փակվել է Որոտան գյուղին մոտենալու հարմար ուղղությունը։

²³ Ս մ մ ու է ի Ս ն ե ց ի, Ժամանակագրություն, Վաղարշապատ, 1893, էջ 170։

²⁴ Հ. Մ ի ք ա յ է ի Հ ո վ հ ա ն ն է ս ե ա ն, նշվ. աշխ., էջ 409։

²⁵ «ԺՂ դարերի հայերեն ձեռագրերի հիշատակարաններ», կազմեց Լ. Ս. Խ ա չ ի կ յ ա ն, Երևան, 1950, էջ 560։


²⁶ Հ. Մ ի ք ա յ է ի Հ ո վ հ ա ն ն է ս ե ա ն, նշվ. աշխ., էջ 411։

²⁷ Հին ռուսական լափման միավոր՝ 1067 մ։

²⁸ Հին ռուսական լափման միավոր՝ 2, 134 մ։

²⁹ Մ. Փ ա փ ա ղ յ ա ն, նշվ. աշխ., էջ 335։

Որոտն բերդի արևմտյան և արևելյան հատվածներում պահպանվել են պարսպապատեր՝ կառուցված Բաղլաթ, միջին չափերի կոպտատաշ քարերից, կրաշաղախի միջնաշերտով։ Քարերը շարված են ըստ հորիզոնական շովերի, ուղղահայաց և թեքաղիւր։ Արևմտյան պարսպապատը երկշերտ է՝ կազմված առաջնապարսպից [գծ. 3 (1)] և ներքնապարսպից [գծ. 3 (2)]։ Առաջնապարսպը սկիզբ է առնում հյուսիսային ժայռազանգվածի [գծ. 3 (3)] ստորոտից և, իր մեջ



Գծ. 3. Որոտնաբերդ. սխեմատիկ հատակագիծ։

առնելով մի խոշոր ժայռաբեկոր, շարունակվում է մինչև բերդի գլխավոր մբւթը [գծ. 3 (5)]։ Ներքնապարսպը նույնպես սկիզբ է առնում հյուսիսային ժայռազանգվածից, որի միայն ստորին հատվածի մի մասն է պահպանվել, այնուհետև, ընդհատվելով, կորագծեր կազմելով, շարունակվում է անմիջապես մուտքի մոտից և փակում է արևմտյան մասի ողջ երկարությամբ մինչև հացավային կողմի զառիթափ հատվածը։ Բերդի գլխավոր մուտքը ավերակ է, սակայն հնարավոր է վերականգնել սկզբնական տեսքը, քանի որ առաջնապարսպը ավարտվում է ժայռից ոչ հեռու։ Սրա ետևում պարսպապատի երկրորդ գոտին է՝ ներքնապարսպը, որը ևս ունի ավերակ դարպաս [գծ. 3 (6)]։ Այս երկու դարպասները միևնույն առանցքի վրա չեն գտնվում, որի պատճառով ստեղծվում է կրկնակի դարպասներով, անցախուցով մուտք։ Մուտքերի լուծման այսպիսի սկզբունքը հաճախ է կիրառվել հայկական բերդաշինության մեջ, սակայն դրա հատակագծային լուծումը բխում է տեղանքի առանձնահատկություններից, ուստի տարբեր տեղերում այն լուծվել է յուրովի, ռազմաստրատեգիական ընդունված սկզբունքներին համապատասխան։

Առաջնապարսպի միջին հատվածում, դրա ամբողջ բարձրությամբ կա մի ուղղանկյուն խորշ (4,14×0,70 մ), որն առաջացել է պարսպը տեղանքի հետ հարմարեցնելու հետևանքով։ Պարսպապատերի այս խորշերը, որոնց հանդիպում ենք հնագույն շրջանում, կրկնվում են ողջ երկարությամբ։ Պարսպի միջին բարձրությունը 5,5 մ է, նկատվում են վերանորոգումների հետքեր։ Առաջնապարսպի միջնամասում, ներսի կողմից պահպանվել են ուղղանկյուն շինություն (6,40×5,40 մ) պատերի ստորին հատվածները [գծ. 3 (7)]։ Կառույցի պատը նույնպես եռաշերտ է՝ կառուցված բազալտե միջին չափերի կոպտատաշ քարերից։ Կառույցի արևմտյան պատի մոտ կեսը ագուցված է պարսպապատի մեջ, որը ենթադրել է տալիս, որ այն կառուցվել է ավելի ուշ։ Հնարավոր է նաև, որ շինությունը օգտագործվել է որպես զինանոց։

Բերդի եռանկյունաձև հարթակի հարավային կողմը, ուր միջնաբերդն է, ավելի բարձր է [գծ. 3 (8)]։ Այստեղ խմբավորված են առանց շաղախի, անկանոն քարերից կառուցված բազմաթիվ ուղղանկյուն սենյակներ։ Վերջիններիս բուն նշանակությունը դժվար է բացահայտել, քանի որ դրանք լցված են փրատակներով ու քարակույտերով։ Ամենայն հավանականությամբ,

այս շինություններն ունեցել են կենցաղային նշանակություն և կառուցվել ու լրացվել են երկար ժամանակահատվածում:

Պարսպի մեկ այլ գոտի կառուցվել է արևելյան կողմում: Այն նույնպես սկիզբ է առնում հյուսիսային ժայռազանգվածի ստորոտից, անմիջապես հպվելով նրան: Պարսպապատն ունի երկու աշտարակ՝ մեկը շրջանաձև [գծ. 3 (9)], մյուսը՝ կիսաշրջանաձև [գծ. 3 (10)]: Երկուսն էլ սնամեջ են՝ կառուցված բազալտե կոպտատաշ միջին չափերի քարերից, կրաշաղախի միջնաշերտով: Այս հատվածում պատի միջին բարձրությունը 3 մ է, հաստությունը՝ 0, 80 մ, Սնամեջ, շրջանաձև աշտարակի պատի ստորին մասում պահպանվել է կիր-ավաղային սվաղի երկշերտ ծածկույթ, յուրաքանչյուր շերտի հաստությունը՝ 0, 02 մ: Ամենայն հավանականությամբ, այս աշտարակները ծառայել են որպես դիտակետ և պահակակետ, քանի որ դրանք տեղադրված են զառիվայր, բարձրադիր ժայռերի վրա, որտեղից երևում է ամբողջ գետահովտը: Շրջանաձև աշտարակին և հյուսիսային ժայռազանգվածին հպված, պարսպապատին ուղղահայաց պատի միջև եղած տարածությունը անպարիսպ է: Այս հատվածը նստում է բնական ժայռի վրա և ծածկված է փլատակներով: Այս հատվածում է եղել բերդի երկրորդ մուտքը [գծ. 3 (11)]: Չնայած այն դեպքում, որ այն ևս չի պահպանում իր նախնական կապի միջոցը, Պատմական Որոտն (Ուոտ) գյուղի ավերակները մինչև օրս նկատվում են բերդի արևելյան պարսպապատի տակ: Այս մուտքից են օգտվել Որոտն գյուղի բնակիչները թշնամու հարձակումներից բերդը պաշտպանելու ժամանակ, քանի որ գլխավոր մուտքը գտնվում էր բերդի հակառակ կողմում, իսկ դրա ստորոտը ամբողջ հարավային կողմով շրջանցելը ժամանակի մեծ կորուստ կլիներ³⁰:

Արևելյան պարսպապատի հարավ-արևելյան հատվածում պահպանվել են ուղղանկյուն, միաթաղ կառույցի պատերը (2,5 մ միջին բարձրությամբ)՝ շարված բազալտե կոպտատաշ, միջին չափերի քարերից՝ կրաշաղախի միջնաշերտով: Հնարավոր է, որ այս շինությունը օգտագործված լինե՞ր որպես չորամար [գծ. 3 (12)]: Ի դեպ, Ե. Լալայանը իր աշխատություններից մեկում հիշատակում է, որ բերդի բաց կողմում (իսկ այս շինությունը տեղադրված է արևելյան պարսպից հետո) փորված է եղել մի ստորերկրյա անցք՝ շուր բերելու համար³¹: Զրամբարի հարավային կողմում կան պատին հպված մի քանի փոքր, ուղղանկյուն շինությունների հետքեր [գծ. 3 (13)], որոնց պատերը շարված են բազալտե կոպտատաշ քարերից, առանց շաղախի: Բերդի հարավային կողմն անպարիսպ է, քանի որ բնական ժայռապարիսպներն արդեն անառիկ են դարձնում այս հատվածը:

Որոտն բերդի տեղադրման համար օգտագործվել է Որոտանի գետահովտի տվյալ տարածքում գոյություն ունեցող այն բնական ժայռոտ բարձունքը, որտեղից կարելի էր հսկել մեծ տարածություններ և հետևել թշնամու տեղաշարժերին: Բերդի նշանակությունը ավելի կարևոր է դարձնում այն հանգամանքը, որ հովտով էր անցնում երկրորդական նշանակություն ունեցող առևտրական մի ճանապարհ, որը սկիզբ էր առնում Նախճավանից, մտնում Մղուկ գավառի տարածք և, անցնելով մի շարք բերդերի հսկողության տեսադաշտով (Շաղատ, Դաստակերտ, Սյունի, Աղխիտու, Որոտն, Խոտուք, Ցուր)³², Բաղք, Մեղրի գավառներով իջնում էր մինչև Կարճևան, ուր այն միանում էր Զուլֆա—Փայտակարան միջազգային առևտրական ճանապարհին:

Այսպիսով, X դ. սկսած Սյունիքում վանքային կարևոր հաստատությունները հիմնադրվում են կենտրոնական բերդերի հսկողության տեսադաշտում, դրանք իսկ ապահովելով իրենց անվտանգությունը: Երա հետ կապված հանդես է գալիս պաշտպանական մի նոր համակարգ, որը, երկկենտրոն լինելուց բացի, կազմել է նաև երկրի ռազմաստրատեգիական ընդարձակ համակարգի օղակներից մեկը և հանդիսացել է քաղաքաշինական կարևոր միավոր IV դ. սկզբնավորված քաղաքաշինական միավորները՝ Որոտնաբերդը որպես Շաղատ մայրաքաղաքի պաշտպանական համակարգի միավոր և Որոտնավանքի Գրիգոր Լուսավորչի եկեղեցին որպես սրբավայր՝ վանքային հաստատության հիմնադրման համար, հետագայում դարձել են այն ավանդական նախադրյալները, որոնց հիման վրա X դ. կազմավորվել է բուրբուխի նոր՝ երկկենտրոն համակարգ:

³⁰ Այս հատվածում էր գտնվում Որոտան գետը տանող գետնուղու գլխամասը, որն այժմ ծածկված է փլատակներով:

³¹ Տե՛ս Ե. Լալայան, Զանգեզուրի գավառ, հ. Ա, Թիֆլիս, 1898, էջ 54:

³² Սրանք միայն Մղուկ գավառով անցնող ճանապարհահատվածի երկայնքով տեղադրված բերդերն են:

Այս երևույթը արժանի է ուշադրության, քանի որ հետագայում լայն տարածում է ստանում Սյունիքում և իր արտահայտությունն է գտնում երկկենտրոն պաշտպանական այլ համակարգերում՝ Այստեղ հարկ է նշել, որ այս տիպի համակարգերը շումեն պաշտպանական և պաշտամունքային կառույցների միասկզբունք լուծում և, եթե Որոտնաբերդն ու Վրոտնավանքը կառուցվել են Որոտնաբերդի հովտով տեղադրված բարձրագիր, ժայռալանջ սարահատերի վրա, ուր գետը շրջապատյալ է կատարում, ապա երկկենտրոն պաշտպանական այլ համակարգերում՝ Սմբատաբերդ-Ժաղաց քար, Բաղաբերդ-Վահանավանք և այլն, պաշտպանական և պաշտամունքային կառույցները դիրքորոշված են գետահովտի երկու կողմերում, իրար դիմաց կամ իրարից շեղված։ Կառուցվածքը ոչ միայն երկու կենտրոնների դիրքորոշումն է իրար նկատմամբ (մեր օրինակներում հեռավորությունը 3—5 կմ է), այլ այն, որ պաշտամունքային կառույցները տեղադրված են խոշոր բերդերի պաշտպանության տակ, զրանով իսկ ապահով դարձնելով իրենց կալվածքներն ու վանքապատկան տարածքները։

ОБОРОНИТЕЛЬНАЯ СИСТЕМА ВОРОТНАБЕРД-ВОРОТНАВАНК

АРА ЗАРЯН

Резюме

В X в. в Сюнике, наряду с некоторыми оборонительными системами, сформировалась двуцентричная оборонительная система, которая в дальнейшем нашла широкое применение в реализации обширной военно-стратегической программы страны. В отличие от одноцентричных систем, которые состояли из одного главного укрепленного центра и распространенных вокруг него имевших оборонительное значение составных частей, двуцентричные системы формировались из главного элемента—крепости и вторичного—монастыря. Крупные монастырские комплексы располагались в зоне охранного обзора центральных крепостей, и для их размещения применялись те же военно-стратегические принципы, которые были положены в основу размещения и строительства крепостей и оборонительных сооружений.

Из двуцентричных оборонительных систем Сюника особый интерес представляет система Воротнаберд-Воротнаванк. Она находилась на высоких утесах ущелья Лорадзор по реке Воротян в регионе Цлугк. Крепость и монастырь находятся на расстоянии 3—4 км друг от друга. С IV в. Воротнаберд составлял часть оборонительной системы столицы Шагат, образуя с некоторыми крупными крепостями оборонительную дугу, охватывающую Шагат с востока, юга и запада и создающую мощный щит против сасанидской инвазии.